

自貢高求名毀眾以望供養亦不可以苟有
 此法背眾不師於師此法謂都無比丘眾可
 為師者慕行此法若有僧者當求僧為證佛
 法眾此三寶等於如來故多薩阿竭稱明律
 比丘僧眾以為上首當知天子比丘僧中畢有
 三乘說是語時淨居天子及八部眾聞經歡
 喜作禮而去

如來獨證自誓三昧經

七

趨王教反起擢音駛音流音逮音刈
魚吠反繒疾操七瑕戶誹反又
非音謳合反草葦薦薜荔
梵語一此去錢鬼趣也

佛說灌佛經一名灌洗佛形像經

女六

西晉沙門釋法炬譯

爾時佛告摩訶刹頭諸天人民皆一心聽佛
 言人身難得無為道亦然佛世難值吾本從
 阿僧祇劫時身為白衣累劫積德每生自尅
 展轉五道不貪財寶棄身施與無所愛惜自

致為王太子太子以四月八日夜半明星出
 時生墮地行七步舉右手而言天上天下惟
 吾為尊當為天人作無上師太子生時地為
 大動第一四天王乃至梵天忉利天王其中
 諸天各持十二種香和湯雜種名華以浴太
 子太子得成佛道開現聖法濟度羣萌

佛告諸天人民十方諸佛皆用四月八日夜
 半時生十方諸佛皆用四月八日夜半時去
 家入山學道十方諸佛皆用四月八日夜半
 時成佛十方諸佛皆用四月八日夜半時入
 般涅槃佛言所以用四月八日者以春夏之
 際殃罪悉畢萬物普生毒氣未行不寒不熱
 時氣和適正是佛生之日諸善男子善女人
 於佛滅後當至心念佛無量功德之力浴佛
 形像如佛在時得福無量不可稱數佛言我
 本行菩薩道時三十六返為天王釋三十六
 返作轉輪聖王三十六返為飛行皇帝諸有
 佛弟子信心善意者當念十方諸佛功德善

業以香華雜物浴佛形像者所願皆得諸天龍神常隨擁護皆當證明佛告諸弟子夫人身難得經法難聞其有天人能自滅損妻子之分五家財物用浴佛形像者如佛在時所願悉得欲求度世取無為道生生不與死會者可得欲求精進勇猛如釋迦文佛者可得欲求如文殊師利阿惟越致菩薩者可得欲求轉輪聖王飛行教化者可得欲求辟支佛阿羅漢者可得欲求離三惡道者可得欲求生天上人間富樂者可得欲求百子千孫者可得欲求長壽無病者可得世間人民貪欲如海寧割身上一鬻肉不肯出一錢物與人人生時不持一錢來死亦不持一錢去財物故在世間人死當獨去憶如此者乃浴佛形像持是功德生死相隨無有斷期佛言若人有一善之心作是功德者諸天善神天龍八部四天王等僉然擁護浴佛形像福報所生常得清淨從是因緣得成佛道

佛說灌洗佛經

女六

佛說灌洗佛經

一名摩訶剌頭

女

乞伏秦沙門聖堅譯

摩訶剌頭諸天人民長老皆明聽夫得為人難無上道亦然人命難得佛世難值釋迦文佛本出阿僧祇劫時佛身作白衣時累功積德每生自尅展轉五道不貪財寶出身施與自致為王太子以四月八日夜半明星出時生墮地行七步舉右手而言天上天下我當為人民作師太子生時天地皆為大動第七梵天第二忉利天王釋及第一四天王皆來下持十二種香湯雜華用浴太子身太子立身作佛開現道法以示天下人